

Ottenbacher Schullied

Text und Musik: Tom Keller 2014

1 E D E
Fisch, die chönd vo A - fang a scho schwü - mme

3 E D E
Un - ter - stütz - ig bru - ched sie da nü - mme

5 E D E
Män - sche nä - med d'Chind a ih - ri Hand

7 D A H
Und drum sing - ed a - lli mi - te - nand

9 E A E
Ganz e - gal eb gross bisch o - der chlii (gross o - der chlii)

11 E A E
ghörsch de - zue bi ois da bisch de - bii (da bisch de - bii)

13 E A E
ganz e - gal eb schtarch bisch o - der schwach (schtarch o - der schwach)

15 H7 A7 E
da bi ois im Schul - hus z'O - tte - bach (z'O - tte - bach)

Ottenbacher Schullied

Text & Musik: Tom Keller, 2014

Fisch, die chönd vo Aafang a scho schwümme

Unterstützig bruched sie da nümme

Mänsche nämed d'Chind a ihri Hand

Und drum singed alli mitenand:

Ref. Ganz egal eb gross bisch oder chlii - *gross oder chlii*
Ghörsch dezue bi ois da bisch debii - *da bisch debii*
Ganz egal eb schtarch bisch oder schwach - *schtarch oder schwach*
Da bi ois im Schuelhus z'Ottebach - *z'Ottebach*

Jede Tag am Morge chunnsch da hii

Mängisch wärs im Bett no schöner gsii

Trotzdem nimmsch de Thek, gaasch furt dihei

Bis dänn merksch: da bisch du nie elei!

Wer chan hälfe, wer git mir en Rat

Ich bin sälber gern für Hilf parat

Sache lehre, alles wett ich gsee

Nie isch's färtig, ich wett immer mee!

Rap Ganz egal eb gross bisch oder aber ebe chlii - *Hee!*
Ghörsch dezu bi ois und bisch vo Aafang a debii - *Yeah!*
Ganz egal eb schtarch bisch oder mängisch au chli schwach - *Wach!*
Ali hebed zäme da im Schuelhus Ottebach - *Ach!*